

經費支絀恐不能久卽地址亦屬暫借將來亦須集資建築現已一面擇地一面籌款張弼士侍郎爲張紳之親族故張紳擬託張侍郎爲介紹前往南洋籌款云

廣西 桂林高等學堂近已竣工

貴州 貴州興辦學堂經黔撫李中丞札委候補府陳太守赴申購辦圖書儀器茲已購齊運過漢口卽解往黔省 茲聞張陽志士等業設半日學堂及女子講社所有一切章程悉仿湖南辦理

各省報界彙誌

北京 現有德人在琉璃廠開設報館命曰北京報聘青島膠州主筆朱淇李承恩爲之編述

直隸 天津法租界萬國鐵橋西岸新開一報館已於五月朔出版名曰北洋商報其宗旨在開商智聯商情合商力以期商業之擴張導商界之進步其編次首錄閩鈔次論說次時評次紀事次商情次學說次譯林次藝苑而殿以淺說並請名手爲主筆云 天津西報向有英文二種法文一種現聞德人鳳克擬設一德文日報擇定紫竹林西賓館後作爲館舍約於西八月底發行並聞鳳君久主上海德報頗有名望云

山東 濟南官報館主筆李明坡徵君現於布政大街設一閱報館各報俱備任人往閱不取分文 蓬萊李叔堅大令近以寒士閱報無費特捐廉購報散給各鄉生童閱看其閱報規則遠者令各社社差限日送到互相傳觀觀畢於下次送報日將上次所看之報繳回近者於課校士館時分領回家閱看每六人共看報章一種閱訖於下期與課時將舊報繳回另領新報云

江蘇 蘇報館一案經原審官上海縣汪令懋琨於本月初七日在英界會審公堂訊結其判詞如下本縣奉南洋大臣

奏派會同英副領事審訊蘇報館一案今審得錢允生程吉甫一爲館友一爲司帳已管押四月應行開釋陳仲彝係館主陳範之子姑准交保尋父到案龍積芝係鄂督訪拿之人惟案無證據且於蘇報館一事無干亦應省釋至鄒容作革命軍一書章炳麟作痘書並作革命軍序又有駁康有爲一書言語純繆行同悖逆彼二人者同惡相濟罪不容恕議定鄒容監禁二年章炳麟監禁三年罰作苦工以示炯戒限滿開釋驅逐出境 上海新出時報已於四月二十八日出版安徽 皖撫誠中丞飭司籌備銀一萬兩妥議官報章程定期開辦

浙江 浙撫聶中丞近因欽奉 上諭各州縣年終考語及經徵錢糧實數均須列入官報俾衆周知等因已飭司參仿北洋章程開辦官報並以籌備經費購置機器等件恐稽時日有先行派委赴滬與某書局訂約代印按期寄浙之說四川 四川官報發行後各府廳州縣均已派定銷數現復推銷雲貴陝甘湖北等省每省各一百分

游學彙誌

夏雲卿修撰同龢具呈翰林院掌院請准自備資斧遵照奏定新章赴日本游學懇予備案給發憑照當蒙轉咨學務大臣咨由外務部給予護照並咨行駐日本大臣楊星使知照按京外各官均經奏准出洋游歷游學免扣資俸而呈請者究不多見前有施編修愚請赴日本游學會蒙學務大臣嘉許咨由外務部發給護照并咨駐日欽使妥爲照料開施編修已由京赴鄂省親即須東渡茲夏修撰復能以第一人之清望而入他國學校爲學生其志量洵加人一等矣 江西紳士稟商大吏擬仿照江鄂各省辦法籌備學費選聰穎子弟十名赴日本游學咨請學務部知照出使日本大臣一體保護該項學費係由農工商鑛局籌備先派十名至日本分習農工商各項實業 南洋公學開辦七年領憑卒業者僅得一十五人除張在清已經作古包光鏞杜永清又受浙江山東官學之聘派充西學教習外其他十二人如張景彝侯